


Macaafa Qulqulluu Daa'immaniif Dhihaate



Daani'eel
fi Boolla
Leenca



Kan barreeffame: Edward Hughes

Kan ibsame: Jonathan Hay

Kan dagaagsame: Mary-Anne S.

Kan hiikkame: Zemendale Translation Service
email: zemendale@gmail.com
Po Box 32155, Addis Ababa, Ethiopia

Kan qophaa'e: Bible for Children
www.M1914.org

©2024 Bible for Children, Inc.

Eeyyama: Seenaa kana hamma hin gugurreetti garagalfacuu
ta'ee Maxxansiifacuu ni dandeessu.




Daariyoos mootii Babiloon isa haaraa ture. Nama
gamnummaa qabuudha. Bulchiinsa mootummaa
isaa akka gargaaraniif namoota baayyee filatamoo


ta'an dhibbaa fi
diddama filate.



Namoota sadii itti gaafatamummaa irra baase.
Daani'eel warra sadan keessa isa tokkoodha.



Mootiin Daariyoos Daani'eeliin baayyee kabaja,
mootummaa hunda irratti akka inni bulchaa
taasisuuf yaada qaba.



Geggeessitooti biroon hinaaftota. Mootiidhaan walitti buusuuf Daani'eel keessaa dogoggora barbaaduutti karoora baasu garuu waan dogoggora ta'u argachuu hin danda'an.



Hamma fedhe isaan hayaalan iyyuu malee mootiin
Daariyoos waan badaa Daani'eel irratti hin argine.
Daani'eel waan hudumaa raawwate keessatti
mootiidhaaf dhugaadha. Akkasumas, of eeggataa
fi cimaadha, haga danda'ameefitti yeroo hundumaa
waan hojjetu haala baayye
gaarii ta'een raawwata.



Geggeessitooti hinaafoon Daani'eeliin kiyyoo
keessa galchuuf karaa tokkitti duwwaa beeku.
Waaqa Israa'eliin waaqessuu
irraa waanti isa dhaabu
tokko illee lafa kana
irra akka hin
jirre in beeku.




Diinoti Daani'eel yaadaa
karoorsan. Seera haaraan
mootiin mallattaa'ee akka
labsamuuf qopheessan.
Namin kamiyyu sagaduu kan
qabu mooticha Daariyoos
gofaaf jedha seerichi.
Namin labsii kanaaf hin
abboomamne boolla
leencaatti in darbatama.



Seera haaraa mootiin
Daariyoos raggaasise.



Seerri haaraan qophaa'es
garaagarumma Daani'eeliif isaan
gidduutti uumame irraa ka'uun.
Waan yeroo hundumaa hojjetu
raawwate Daani'eel. Foddaa
banaamaa cinatti guyyaatti si'a
sadii jilbeemfatee Waaqa isa
waaqa iraa kadhata.




Geggeessoti hinaafan sababa uumanii
Daani'eeliin yakkamaa taasisuuf



ariitiidhaan oduu
waa'ee Daan'eel
bittinneessan.
Mootiin Daariyoos
Daani'eelii
hiisisuudhaan
alatti filannoo
biraa hin qabu.






Seerichaa
abboomamuun
dirqama. Daani'eel
du'uu qaba.
Mootichi isa
oolchuuf hamma
isaaf danda'amu
yaalus, seericha
jijjiiree daandii
ittiin isa oolchu
argachuu hin
dandeenye.



Himatamee boolla leencaatti darbatamee akka du'uuf Daani'eel himatame. Utuu Daani'eel boolla leencota beela'anii jiranitti hin darbatamin dura Mootiin Daariyoos, "Waaqin kee, inni ati utuu addaan hinkutin tajaajiltu sun si haa oolchu," jedheen.



Halkan san hirribn ija mootii irraa baqate.
Ganama akkuma lafti bar'een mootichi ka'ee
aritiidhaa gara boolla leencotaa dhage.






Mootiin Daariyoos iyyee,
"Daani'eel, garbicha
Waaqa jiraataa, Waaqin
ati utuu addaan hin kutin
tajaajiltu leencotaan
nyaatamuu si oolchee
ree?" Inni garuu deebiin
Daani'eel biraa naaf
deebi'a jedhee hin eegine
ture. Garuu Daani'eel
deebii laateef.



Daani'eel iyyee,
"Mootii Waaqin
koo ergamoota isaa
ergee afaan leencotaa
cufe, kanaaf anatti hin
buune! Akkasumas ani
fuula kee duratti
cubbuun hojjedhe
hin qabu."



Mootiin Daariyoos itti tole! Daani'eel
boolla leencaa keessa akka ba'u ajaje.



Waaqayyo Daani'eel
oolchuu, diinni Daani'eel
diina Waaqayyo ta'uu mootiin
hubate. Warri Daani'eeliin
yakkuuf seera badaan akka
ba'u gochuun mootii
mallatteessisan
hundumtuu boolla
leencaatti akka
darbataman
ajaje hundumti
isaanii leencaan
nyaataman.



Mootiin Daariyoos Waaqa isa waaqa irraa amantii guutuudhaan isa warra tajaajilu Daani'eeliin oolche biyyi lafaa hundumtuu beekuu qabdi jechuu mootichi dubbate. Namin hundumtuu Waaqa isa jiraataa akka waaqessaniif xalayaa barreessee ajaja dabarse.

Mootichi Daariyoos
Daani'eeliin kabajaan
geggeessummaa isaa
duraatti deebi'e.



Daani'eel fi Boola Leenca

Seenaa Sagalee Waaqayoo Macaafa Qulqulluu


kan keessatti argamu

Daani'eel 6

"Saaqamuun dubbii keetii ifa in kenna."

Faarsaa 119:130





Xumurameera



34



60



Seenaan Macaafa Qulqulluu kun kan haasa'u waa'ee Waaqayyo keenya
Isa dinqii Isa nu uumeefi Isa akka Isa beeknu barbaaduuti.

Waaqayyo wanta hamaa isa Inni cubbuu jedhuun akka raaw'anne ni
beeka. Adabbiin cubbuu du'a. Waaqayyo garuu guddaa si jaallata,
kanaaf cubbuu keetiif akka fannoorratti du'uufi akka adabamuuf
Tokkicha Ilma Isaa Yesuus dabarsee siif ni kenne. Sana booda Yesuus
gara jireenyaatti deebi'ee gara iddoo jireenya Isaa gara Waaqaa ni
deeme! Yesuusitti amantee cubbuu keetiif akka siif dhiisuuf yoo Isa
gaafatte, Inni siif ni dhiisa! Yeroo kana dhufee si wajjin ni jiraata,
akkasumas immoo atis Isaa wajjin bara baraaf ni jiraatta.

Inni kun dhugaa ta'uu isaa yoo amante, Waaqayyoon akkas jedhiin:
Yaa Yesuus, Ati Waaqayyo ta'uu kee fi cubbuu kootiif du'uuf jettee
akka annaf dhufte nan amana, ammas kunoo deebitee ni jiraatta.
Maaloo gara jireenya kootti koottuutii amma jireenya haaraa akkan
jiraachuu akkan danda'uufi guyyaa tokko sin wajjin bara baraaf
jiraachuuf gara kee akkan dhaquuf cubbuu kootiif naaf dhiisi.
Abboommii kee akkan eeguufi akka mucaa keetti akkan jiraadhuuf
na gargaari. Ameen.

Macaafa Qulqulluu dubbisiitii guyyuma hundumaa Waaqayyoo
wajjin dubbadhu! Wangeela Yohaannis 3:16

